

Enski boltinn

13. ágúst 2016



Barist um borgina

Erkifjendurnir Pep Guardiola og José Mourinho stýra Manchester-liðunum, City og United, í vetur. Það eru litlir kærleikar þar á milli. **SÍÐA 4**

Stærstu kaupin

Hvaða lið gerðu stærstu og bestu kaupin á félagaskiptamarkaðinum í sumar? **SÍÐA 6-7**

Mörkin hans Gylfa

Gylfi Þór Sigurðsson skoraði 11 mörk á síðasta tímabili og átti stóran þátt í að Swansea City bjargaði sér frá falli úr ensku úrvalsdeildinni. **SÍÐA 8**

Engar afsakanir teknar gildar

Jürgen Klopp siglir nú inn í sitt fyrsta heila tímabil sem knattspyrnustjóri Liverpool. Þjóðverjinn hefur fengið heilt undirbúningstímabil og gert breytingar á leikmannahópnum. Þetta er núna „hans“ lið og Klopp segir að nú dugi engar afsakanir fyrir því að ná ekki árangri í vetur.

„Eftir öll þessi félagaskipti er þetta núna minn hópur. Það eru sennilega engir leikmenn í hópnunum sem ég vil ekki hafa. Það voru engir leikmenn keyptir sem ég vildi ekki fá og ég hef ekki selt neina leikmenn sem ég vildi ekki selja,“ sagði Jürgen Klopp, knattspyrnustjóri Liverpool, í viðtali fyrr í sumar.

Þjóðverjinn hefur sitt fyrsta heila tímabil við stjórnvölinn hjá Liverpool á morgun þegar liðið sækir Arsenal heim í 1. umferð ensku úrvalsdeildarinnar.

Klopp tók við Liverpool af Brendan Rodgers í október á síðasta ári. Gengið var upp og niður. Liverpool gekk ekkert sérstaklega vel í úrvalsdeildinni og endaði í 8. sæti hennar en liðið komst hins vegar bæði í úrslit deildabikarins og Evrópu deildarinnar.

Eigendur Liverpool voru hrifnir af því sem þeir sáu og gerðu nýjan sex ára samning við Klopp í sumar, sem er til marks um trúna á honum og aðferðum hans.

Klopp hefur nú fengið heilt undirbúningstímabil og ráðist í breytingar á leikmannahópi Liverpool. Þetta er núna „hans“ lið og Klopp segist ekki hafa neinar afsakanir fyrir því að ná ekki árangri.

„Ég er óhræddur við að gera breytingar, það er hluti af starfinu. Ég er ánægður með liðið núna,“

sagði Klopp. „Eins og staðan er núna ættum við ekki að leita að afsökunum og segja hluti eins og að ég þurfi ár í viðbót.“

Álagið verður minna á þessu tímabili þar sem Liverpool náði ekki Evrópusæti. Þrátt fyrir að taka við í október stýrði Klopp Liverpool í 52 leikjum á síðasta tímabili og leikjaálagið tók sinn toll.

Klopp fær því enn meiri tíma á æfingasvæðinu til að innleiða hugmyndir sínar og setja mark sitt á liðið. Liverpool spilaði nokkra frábæra leiki á síðasta tímabili þar sem liðið pressaði stíft og sótti hratt að hætti Klopp. En slakur varnarleikur var liðinu oft fjötur um fót og hann er stærsta spurningarmerkið fyrir þetta tímabil.

Nýi markvörðurinn, Loris Karius, handarbrotnaði á dögnum og missir af byrjun tímabilsins, varnarmaðurinn Mamadou Sakho var sendur heim úr æfingaferð Liverpool í Bandaríkjunum og vandamálið með stöðu vinstri bakvarðar er enn óleyst. Kamerúnski miðvörðurinn Joël Matip er þó góð viðbót við leikmannahóp Liverpool og ætti að styrkja vörnina.

Liverpool mætir sterkara til leiks en á síðasta tímabili og það eru jákvæð teikn á lofti. En það er óvíst hversu langt það fleytir liðinu. Barátta um Meistaradeildarsæti verður væntanlega hlutskipti Liverpool í vetur.



Jürgen Klopp messar yfir sínum mönnum á æfingasvæðinu. Hann fær meiri tíma þar en síðasta vetur.



WOK ON

Nýr og spennandi asískur veitingastaður með hollustu og ferskleika í fyrirrúmi

Komdu og smakkaðu

Wok on // Borgartúni 29 // Sími 561-6666



LEIÐINLEGUR STÖÐUGLEIKI

Arsenal endaði í 2. sæti á síðasta tímabili en liðið hafði ekki endað ofar í ensku úrvalsdeildinni frá 2005. Skytturarnar voru samt heilum 10 stigum á eftir Leicester og skutust upp í 2. sætið í lokaumferðinni eftir skelfilegan endasprett erkióvinanna í Tottenham.

Arsenal hefur ekki unnið Englandsmeistaratilinn síðan 2004 og biðin eftir þeim næsta hefur tekið á stuðningsmenn Arsenal sem eru margir hverjir orðnir langþryggtir á ástandinu.

Það er margt verra en að vera alltaf í efstu fjórum sætum ensku úrvalsdeildarinnar, fastagestir í Meistaradeild Evrópu og spila yfirleitt góðan fótbolta. En stuðningsmenn Arsenal vilja meira og spjótin hafa beinst að Arsene Wenger, sem hefur verið við stjórnvöl-

inn hjá félaginu frá 1996.

Granit Xhaka er eini leikmaðurinn sem hefur bæst við leikmannahóp Arsenal í sumar en það er hætt við að það sé ekki nóg. Wenger er í vandræðum vegna meiðsla miðvarða liðsins og þá hefur honum ekki tekist að landa framherja. Á meðan hafa helstu mótherjarnir verið duglegir á félagaskiptamarkaðinum og eru sterkari en á síðasta tímabili.

Það er mikið af góðum fótboltamönnum í Arsenal og nokkrir þeirra (Xhaka, Aaron Ramsey og Mesut Özil) spiluðu vel á EM. Það vantar ekki mikið upp á til að Arsenal geti barist af alvöru um þann stóra en það er spurning hvort tregða Wengers og félagsins til að eyða háum fjárhæðum sé að halda aftur af Skyttunum.

UMSJÓNARMÁÐUR EFNIS **Ingví Þór Sæmundsson** ingvithor@365.is

ÚTGEFANDI | 365 miðlar ehf.
Skaftahlíð 24 | s. 512 5000

VEFFANG
visir.is

ÁBYRGÐARMÁÐUR
Svanur Valgeirsson

UMSJÓNARMÁÐUR AUGLÝSINGA **Atli Bergmann** | atli.bergmann@365.is | s. 512-5457

Miklu meira en bara ódýrt

Hítamælar
Margar gerðir

frá 495

Ruslatínur í
miklu úrvali

frá 395

Lyklabox
gott úrval



frá 695

Strekkiþönd og
farangursteygjur,
frábært úrval

frá 365

Ný sending
af tröppum
og stigum

Ruslasekkir
10/25/50 stk

Strákústar á
tannburstaverði

Garðúðarar
í miklu úrvali

frá 695

frá 995

Úðabrúsar 1L, 1.5L,
2L, 5L, 8L, 16L

Barnaverkfæri,
kústar, hrifur,
skóflur

995

frá 3.995

Hitablásarar

1.995

Tjaldstæðatengill

frá 1.995

Kassabíla/
hjólborudekk

8.995

frá 1.995

Kerru/Fellihýsalás

Hjólafesting á
kúlu 3/4 hjól

frá 3.995

Bensínbrúsar 5L/10L/20L
Plast+Blikk

Jeppatjakkur
2.25T 52cm

19.995

frá 595

Kerruljós

12V Loftdælur
30-35L

Mössunarrokkar 1200W
Hraðastýrðir

frá 14.995

Loftþrýstingsmælir

frá 2.995

Ljósabretti á
kerru

frá 4.995

Hjólhengi í loft

1.995

Hjólalásar

frá 245

Bjöllur, brúsafestingar,
brúsar, pumpur,
viðgerðarsett.....

12V Framlenging

Símahleðslu-
tengi USB

frá 695

12V->230V
Straumbreytir

frá 5.995

frá 595

12V Fjöltengi

Hjólstandur f/3 hjól

frá 5.995

frá 595

Yfirbreiðslur
í ótal stærðum

Verkfæralagerinn

Smáratorgi 1, 201 Kópavogi, sími 588 6090, vl@simnet.is
Mán.-fim. kl. 9-18, fös. kl. 9-18:30, lau. kl. 10-18, sun. kl. 12-17

Baráttan um borgina

Pep Guardiola og José Mourinho eru mættir til Manchester þar sem þeir stýra erkifjendunum í City og United í ensku úrvalsdeildinni. Þeir félagar hafa lengi eldað grátt silfur, sérstaklega þegar þeir voru við stjórnvölinn hjá spænsku stórveldunum Barcelona og Real Madrid fyrir nokkrum árum

Ingvi Þór Sæmundsson
ingvithor@365.is



Eftir fjögurra ára hvíld hvors frá öðrum liggja leiðir erkifjendanna Peps Guardiola og José Mourinho saman á ný, og nú í ensku úrvalsdeildinni. Og það sem meira er, þá stýra þeir svörnum fjendum frá sömu borginni; Manchester City og Manchester United.

Guardiola og Mourinho eiga sér langa sögu en leiðir þeirra lágu fyrst saman hjá Barcelona árið 1996, þegar Mourinho var túlkur/aðstoðarþjálfari Bobbys Robson og Guardiola leikmaður Katalóníulíðsins.

Þeim virðist hafa komið ágætlega saman á þeim tíma en árið 2008 breyttist allt þegar Guardiola var tek-

inn fram yfir Mourinho sem næsti knattspyrnustjóri Barcelona. Þá fyrst varð þetta persónulegt fyrir Mourinho sem virtist hafa það að aðalmarkmiði að velta Guardiola og Barcelona af stalli.

Inter-liðið hans Mourinhos sló Barcelona út í undanúrslitum Meistaradeildar Evrópu vorið 2010. Sigurinn skipti Portúgalann greinilega miklu máli sem sást á fagnaðarlátum hans eftir leikinn. Mourinho hljóp inn á Nývang, sinn gamla heimavöll, með fingur á lofti í sigurvímu.

Inter vann Meistaradeildina 2010 og eftir það fékk Florentino Perez, forseti Real Madrid, Mourinho til félagsins. Og verkefnið sem Mourinho fékk var einfalt; að stöðva sigurgöngu Barcelona.

Næstu tvö ár einkenndust af mikilli baráttu risanna tveggja, jafnt innan vallar sem utan. Ríðurinn milli Barcelona og Real Madrid, Guardiola og Mourinho, náði hámarki vorið 2011 þegar liðin mættust fjórum sinnum á átján dögum.

Þetta voru harðir leikir og skeytasendingarnar flugu á milli. Guardiola lét þó oftast vera að svara Mourinho en hann sprakk loksins fyrir fyrri leik liðanna í undanúrslitum Meistaradeildar Evrópu þegar hann lét Portúgalann heyra það. Barcelona vann leikinn 2-0 og Mourinho var sendur upp í stúku fyrir að mótmæla rauða spjaldinu sem varnarmaðurinn Pepe fékk. Eftir leikinn fór Mourinho mikinn og talaði um að dómara, UEFA og meira og minna allur heimurinn héldi verndarhendi yfir Barcelona.

Katalóníuliðið vann spænska meistaratililinn og Meistaradeildina þetta vorið en Real Madrid náði fram hefndum á næsta tímabili. Eftir það hætti Guardiola hjá

Barcelona og tók sér ársfrí, eflaust orðinn langþreyttur á Mourinho og klækjabrögðum hans.

Nú mætast þessir fornu fjendur á ný og hingað til hefur allt verið voða dannað. Guardiola og Mourinho tala af virðingu hvor um annan og gera lítið úr rígnum á milli þeirra.

„Þetta snýst ekki um hann eða mig,“ sagði Guardiola þegar hann var kynntur til leiks hjá Manchester City. Mourinho talaði á svipuðum nótum og sagði umhverfið á Spáni hafa átt stóran þátt í rígnum á milli þeirra.

„Það voru bara tvö lið sem gátu barist um titilinn á Spáni, þess vegna var samband okkar eins og það var,“ sagði Mourinho og bætti því við að þetta yrði öðruvísi í ensku úrvalsdeildinni þar sem samkeppnin á toppnum er meiri.

Enn sem komið er hefur þetta verið á vinalegu nótunum en það er bara spurning hversu lengi friðurinn heldur. Eftir komu Guardiola og Mourinho hefur athyglin á Manchester-liðunum aldrei verið meiri. Bæði lið ollu vonbrigðum á síðasta tímabili en þau hafa blásið í herlúðra og með Guardiola og Mourinho í broddi fylkingar er ljóst að það verður barist til síðasta blóðdropa.

PEP GUARDIOLA

Fæddur 18. júlí 1971 í Santpedor á Spáni

Titlar:

Landsmeistari 6x
Bikarmeistari 4x
Meistaradeild Evrópu 2x
Heimsmeistari félagsliða 3x

JOSÉ MOURINHO

Fæddur 26. janúar 1963 í Setúbal í Portúgal

Titlar:

Landsmeistari 8x
Bikarmeistari 4x
Meistaradeild Evrópu 2x
Evrópukeppni félagsliða 1x



HÁGÆÐA DANSKAR

ELDHÚSINNRETTINGAR



FJÖLBREYTT ÚRVAL AF HURÐUM, FRAMHLIÐUM, KLÆÐNINGUM OG EININGUM

ÞITT ER VALIÐ

Þú velur að kaupa innréttinguna í ósamsettum einingum, eða lætur okkur um samsetninguna. Að sjálfsögðu önnumst við líka uppsetningu og endanlegan frágang fyrir þá sem þess óska – fullkomin þjónusta, eigið verkstæði.



STYRKUR - ENDING - GÆÐI

VIÐ HÖNNUM OG TEIKNUM FYRIR ÞIG

Komdu með eða sendu okkur málin af eldhúsinu, baðinu, þvottahúsinu, anddyrinu eða svefnherberginu - og við hönnum, teiknum og gerum þér hagstætt tilboð í glæsilega danska innréttingu í hæsta gæðaflokki og vönduð raftæki á vægu verði.

Opið:

Mán. - fim. kl. 09-18

Föstud. kl. 09-17

Lokað á laugardögum í sumar



Friiform

Askalind 3 • 201 Kópavogur • Sími: 562 1500 • friform.is



Manchester United borgaði metupphæð til að fá Paul Pogba aftur á Old Trafford.

Týndi sonurinn kominn heim

PAUL POGBA

23 ÁRA FRANSKUR MIÐJUMAÐUR
Keyptur fyrir 89,3 milljónir punda frá Juventus

Fyrr í vikunni gerði Manchester United Paul Pogba að dýrasta leikmanni allra tíma þegar félagið pungaði út rúmum 89 milljónum punda til þess að fá Frakkann aftur á Old Trafford. Upphæðin er stjarnfræðilega há, sérstaklega í ljósi þess að Pogba var á mála hjá United fyrir nokkrum árum.

Pogba yfirgaf enska liðið 2012, orðinn pirraður á að fá ekki tækifæri í aðalliði United. Á þessum fjórum árum hefur mikið vatn runnið til sjávar.

Pogba vann ítalska meistaratitilinn öll fjögur tímabilin sem hann var í herbúðum Juventus, ítölsku bikarkeppnina í tvígang og komst í úrslit Meistaradeildarinnar vorið 2015.

Þá festi Pogba sig í sessi í franska landsliðinu, var valinn besti ungi leikmaðurinn á HM 2014 og hjálpaði Frakklandi að

komast í úrslit á EM í sumar.

Pogba er búinn að afreka allt þetta og er aðeins 23 ára gamall. Nú snýr hann aftur til United og á að hjálpa liðinu að komast aftur á toppinn eftir þrjú mögur ár.

„Paul er einn af bestu leikmönnum heims og verður hluti af liðinu sem ég vil búa til hér,“ sagði José Mourinho, knattspyrnustjóri United, um nýjasta liðsmanninn. „Hann er fljótur, sterkur, skorar mörk og les leikinn betur en margir leikmenn sem eru eldri en hann.“

Ekki lengur óskrifað blað

N'GOLO KANTÉ

25 ÁRA FRANSKUR MIÐJUMAÐUR
Keyptur fyrir 30,4 milljónir punda frá Leicester City

Það getur margt gerst á einu ári. Í ágúst í fyrra var N'Golo Kanté algjörlega óskrifað blað utan Frakklands en það hefur svo sannarlega breyst á undanförunum mánuðum.

Kanté sló í gegn með Leicester og átti stóran þátt í að liðið varð Englandsmeistari í fyrsta sinn. Hann vann sér sæti í franska landsliðinu, spilaði á EM í Frakklandi og var svo seldur fyrir rúmar 30 milljónir punda til Chelsea.

Kanté býr yfir nánast ómennskri hlaupagetu og er frábær í að setja pressu á mótherjann og vinna boltann. Enginn leikmaður vann fleiri tæklingar og vann boltann jafn oft að meðaltali í leik í ensku úrvalsdeildinni á síðasta tímabili en Kanté. Og þrátt fyrir



N'Golo Kanté hefur náð mjög langt á skömmum tíma.

þetta fékk Kanté aðeins þrjú gul spjöld á síðasta tímabili.

Chelsea hefur verið rólegt á félagaskiptamarkaðinum en Kanté mun vafalítið styrkja Lundúnalið-

id mikið. Antonio Conte, nýr knattspyrnustjóri Chelsea, ætla Frakkann stórt hlutverk í að koma liðinu aftur í toppbaráttuna eftir vonbrigði síðasta tímabils.

Draumaleikmaður Klopp

SADIO MANÉ

24 ÁRA SENEGALSKUR KANTMAÐUR
Keyptur fyrir 35 milljónir punda frá Southampton

Jürgen Klopp hefur lengi haft augastað á Sadio Mané og var ánægður þegar hann náði loks að landa Senegalanum.

„Ég er búinn að fylgjast með Sadio í nokkur ár eða frá Ólympíuleikunum 2012. Ég fylgdist með honum í Austurríki og hjá Southampton,“ sagði Klopp um Mané sem getur leyst allar stöðurnar fremst á vellinum.

Mané spilaði tvö tímabil með Southampton og sýndi þar hvers hann er megnugur. Senegalinn skoraði alls 21 mark í 67 deildarleikjum með Dýrlingunum og gaf níu stoðsendingar. Mané skor-



Sadio Mané mun spila í treyju númer 19 hjá Liverpool.

aði m.a. eftirminnilega þrennu á tæpum þremur mínútum á móti Aston Villa í maí 2015. Enginn leikmaður hefur þurft jafn lítinn tíma til að skora þrennu í sögu ensku úrvalsdeildarinnar.

Mané er beinskeyttur leikmaður sem er góður í að fara fram hjá varnarmönnum. Hann ætti því að smellpassa inn í þann leikstíl sem Klopp er að innleiða hjá Liverpool.

TRYGGDU ÞÉR ÁSKRIFT

ENSKI BOLTINN ER Á STÖÐ 2 SPORT

Enski boltinn er hafinn á Stöð 2 Sport og deildin hefur aldrei verið meira spennandi. Stöð 2 Sport verður með beinar útsendingar allar helgar og sérfræðingar Messunnar fara yfir leiki vikunnar.



13. ágúst 2016



Pep Guardiola, knattspyrnustjóri Manchester City, hefur mikið álit á John Stones.

Vonarstjarnan komin til City

JOHN STONES

22 ÁRA
MIÐVÖRÐUR

Keyptur fyrir 47,3 milljónir punda frá Everton

Manchester City gerði John Stones að næstdýrasta varnarmanni allra tíma þegar liðið gekk frá kaupunum á þessum 22 ára gamla miðverði frá Everton fyrr í vikunni.

Þetta er gríðarlega há upphæð fyrir leikmann sem hefur í raun ekkert afrekað á ferlinum þrátt fyrir að hafa fengið mikið lof.

Stones hefur ýmislegt til brunns að bera og hans helsti styrkleiki er að spila boltanum út úr vörninni. Það ætti að koma sér vel hjá City en nýr knattspyrnustjóri liðsins, Pep Guardiola, leggur mikið upp úr því að halda boltanum og spila út frá markmanni.

Varnarleikurinn er meira spurningarmerki hjá Stones sem virðist oft missa einbeitinguna á ögurstundu. Hann spilaði 33 af 38 leikjum Everton sem fékk á sig 55 mörk í ensku úrvalsdeildinni í fyrra. Stones leit á köflum illa út

og gerði sig sekan um klaufaleg mistök.

En Guardiola er mikill aðdáandi Stones og lagði mikla áherslu á að fá hann til City.

„Við viljum hjálpa honum að sýna sínar bestu hliðar hjá okkur og bæta sig. Ég er hrifinn af því hvernig hann spilar leikinn,“ sagði Guardiola um Stones sem skrifaði undir sex ára samning við City. Honum er greinilega ætlað stórt hlutverk hjá Manchester-liðinu sem olli vonbrigðum og endaði í 4. sæti úrvalsdeildarinnar í fyrra.

Nýtt vopn í vopnabúr Leicester

AMHED MUSA

23 ÁRA
NÍGERÍSKUR FRAMHERJI

Keyptur fyrir 16,6 milljónir punda frá CSKA Moskvu

Ahmed Musa er sennilega þekktasta nafnið sem hefur bæst við leikmannahóp Englandsmeistara Leicester City í sumar, enda kostaði hann stórfé.

Musa ætti að smellpassa inn í leikstíl Leicester. Nígeríumaðurinn er öskufljóttur og með kraftmiklar hraðabreytingar. Musa líður best þegar hann fær pláss til að hlaupa í fyrir aftan varnir mótherjanna og er að því leyti ekki ósvipaður Jamie Vardy. Stóra spurningin er hvort mótherjar Leicester séu ekki búnir að læra af reynslunni frá því í fyrra og verði aðeins varkárari í varnarleik sínum gegn meistarunum.

Musa kemur frá CSKA Moskvu þar sem hann lék í fjögur ár.



Ahmed Musa átti góðu gengi að fagna í Rússlandi áður en hann kom til Leicester.

Framherjinn skoraði alls 42 mörk í 124 leikjum í rússnesku deildinni sem hann vann í þriggja. Þá spilaði Musa í Meistaradeild Evrópu, varð Afríkumeistari með Nígeríu

2013 og skoraði tvö mörk á HM ári seinna. Þessi 23 ára Nígeríumaður hefur sýnt ágætis takta á undirbúningstímabilinu og lofar nokkuð góðu fyrir veturinn.

Granítið sem vantaði á miðjuna

GRANIT XHAKA

23 ÁRA
SVISSNESKUR MIÐJUMAÐUR

Keyptur fyrir 38,3 milljónir punda frá Borussia Mönchengladbach

Arsene Wenger, knattspyrnustjóri Arsenal, vildi eflaust vera búinn að næla í fleiri leikmenn en hann landaði feittum bita í formi Granits Xhaka, og landaði honum snemma.

„Við höfum lengi fylgst með honum og hann er góð viðbót við okkar hóp,“ sagði Wenger um nýja manninn.

Lengi hefur verið rætt um að Arsenal vanti alvöru varnarmiðjumann, hörkutól innan um alla flinku miðjumennina. Xhaka býr allavega yfir réttu hæfileikunum til að gera þessa stöðu að sinni og búa til betra jafnvægi á miðju Arsenal. Hann er stór, sterkur og kraftmikill og



Granit Xhaka spilaði afar vel á EM í Frakklandi í sumar.

stendur svo sannarlega undir nafni. Þótt EM hafi fengið leiðinlegan endi hjá Xhaka, þegar hann skaut fram hjá í vítaspyrnukeppninni gegn Póllandi í 16-liða úrslitunum á EM í sumar, átti hann gott mót.

Xhaka er ekki bara góður að vinna boltann heldur skilar hann honum vel frá sér. Svisslendingurinn er sparkviss og á auðvelt með að skipta boltanum milli kanta með löngum og nákvæmum sendingum.



LEIKIR HELGARINNAR



TRYGGÐU ÞÉR ÁSKRIFT

ENSKI BOLTINN ER Á STÖÐ 2 SPORT

Enski boltinn er hafinn á Stöð 2 Sport og deildin hefur aldrei verið meira spennandi. Stöð 2 Sport verður með beinar útsendingar allar helgar og sérfræðingar Messunnar fara yfir leikina á mánudögum.

KAUPTU STAKAN LEIK:

365 Síminn



365.is | Sími 1817

365

1

26.09.15
Gylfi skorar eina mark Swansea í 3-1 tapi fyrir Southampton á útivelli. Markið kemur af vítapunktinum. Þetta er aðeins annað tap Swansea í fyrstu sjö umferðunum.



2

24.10.15
Gylfi skorar með glæsilegu skoti beint úr auka-spyrnu og jafnar metin í 1-1 gegn Aston Villa. André Ayew skorar svo sigurmarkið skömmu fyrir leikslok.



3

02.01.16
Annað tímabilið í röð skorar Gylfi gegn Manchester United á Old Trafford. Gylfi skorar með skalla úr erfiðri stöðu og jafnar metin í 1-1. Wayne Rooney tryggir United svo 2-1 sigur með marki á 77. mínútu.



11

MÖRK GYLFA

5


24.01.16
Gylfi skorar sitt þriðja mark á árinu 2016 þegar hann kemur Swansea yfir gegn Everton með marki úr víti. Swansea vinnur 1-2, sinn fyrsta deildarsigur á Everton.



Gylfi Þór Sigurðsson var frábær með Swansea City á síðasta tímabili og skoraði 11 mörk í ensku úrvalsdeildinni. Hér á síðunni eru mörkin hans Gylfa rifjuð upp.


7

06.02.16
Gylfi kemur Swansea yfir gegn Crystal Palace með frábæru skoti beint úr auka-spyrnu; hans þriðja mark í jafn mörgum leikjum. Leiknum lýktar með 1-1 jafntefli.



4

13.01.16
Gylfi skorar í öðrum leiknum í röð þegar hann jafnar metin í 1-1 gegn Sunderland með marki úr víti. Það dugir þó ekki til, Swansea tapar leiknum 2-4 og er í erfiðri stöðu í úrvalsdeildinni.



6

02.02.16
Gylfi skorar með góðu skoti í fjærhornið og kemur Swansea yfir gegn West Brom. Leikurinn endar með 1-1 jafntefli og Svanirnir hafa því náð í sjö stig í þremur leikjum síðan Ítallinn Francesco Guidolin tók við liðinu.



8

05.03.16
Gylfi tryggir Swansea öll þrjú stig-in gegn Norwich þegar hann rekur smíðshögg-íð á góða sókn velska liðsins. Með sigrinum kemst Swansea í níu stiga fjarlægð frá fallsæti.



9

12.03.16
Gylfi jafnar metin í 2-2 gegn Bournemouth með nákvæmu skoti frá vítapunkti. Swansea tapar leiknum þó 3-2, þriðja tap þeirra í síðustu fimm leikjum.




10

02.04.16
Gylfi byrjar endurkomu Swansea gegn Stoke með skoti fyrir utan teig. Alberto Paloschi jafnar svo metin í 2-2 og tryggir velska liðinu mikilvægt stig.



11

09.04.16
Gylfi tryggir Swansea sigur á Chelsea og jafnar um leið markamet Swansea í ensku úrvalsdeildinni. Það sem meira er, þá er Swansea nánast búin að bjarga sér frá falli.





McCain franskar á 5 mínútum – frábærar með boltanum

Franskar kartöflur í sérflokki sem þú töfrar fram á augabragði.
Einföld og fljótleg matreiðsla og algjör sæla fyrir bragðlaukana.
Prófaðu núna!





Jóhann Berg Guðmundsson er kominn í ensku úrvalsdeildina.

Jóhann Berg mættur í draumadeildina

Jóhann Berg Guðmundsson upplifir drauminn í vetur þegar hann spilar með Burnley í ensku úrvalsdeildinni. Nýliðar Burnley tefla fram svipuðu liði og þegar þeir féllu úr úrvalsdeildinni í fyrra, en þeir eru reynslunni ríkari að þessu sinni.

Íslendingum í ensku úrvalsdeildinni fjölgaði um helming þegar Burnley festi kaup á íslenska landsliðsmanninum Jóhanni Berg Guðmundssyni í síðasta mánuði. Jóhann Berg skrifaði undir þriggja ára samning við Burnley sem vann sér sæti í ensku úrvalsdeildinni í vor eftir eins árs fjarveru.

Í samtali við Fréttablaðið eftir að hann skrifaði undir hjá Burnley sagði Jóhann Berg að með þessum félagaskiptum væri draumur hans að rætast.

„Ég hef oft sagt að draumurinn sé að spila í ensku úrvalsdeildinni og nú er ég kominn þangað þannig að það er auðvitað hægt að segja að draumurinn sé að rætast,“ sagði Jóhann Berg. Að hans sögn byrjaði Burnley að fylgjast með honum í desember á síðasta ári.

„Þetta var alltaf fyrsti kostur. Ég ákvað að stökkva á tækifærið og líst mjög vel á þetta. Þeir hafa verið að skoða mig frá því í desember. Eftir EM ákváðu þeir svo að keyra á þetta,“ sagði Jóhann Berg sem var í byrjunarliði Íslands í öllum fimm leikjunum á EM í Frakklandi.

Jóhann Berg kemur til Burnley frá Lundúnaliðinu Charlton Athletic

„Ég hef oft sagt að draumurinn sé að spila í ensku úrvalsdeildinni og nú er ég kominn þangað.“

Jóhann Berg Guðmundsson

deildinni þegar liðið var síðast uppi en leikmannahópurinn hefur tekið litlum breytingum síðan þá.

„Leikmannahópurinn er nokkuð svipaður og síðast en þeir eru klárlega reynslunni ríkari núna. Þeir voru ekki langt frá því að halda sér uppi síðast. Það er auðvitað markmiðið og við eigum góða möguleika á því,“ sagði Jóhann Berg sem hlakkar til að vinna með knattspyrnustjóranum Sean Dyche sem þykir fær í sínu starfi.

„Hann er skemmtilegur maður. Hann vill að sínir menn gefi 120% í allar æfingar og alla leiki. Mín fyrstu kynni af honum eru mjög jákvæð og ég er á því að hann geri mig að betri leikmanni,“ sagði Jóhann Berg sem þreytir væntanlega frumraun sína með Burnley klukkan 14:00 í dag þegar liðið fær Gylfa Þór Sigurðsson og félagi í Swansea City í heimsókn. Jóhann Berg hlakkar til að mæta félagi sínum í íslenska landsliðinu.

„Það verður gaman að spila við hann í fyrsta leik. Þeir mæta á Turf Moor og það verður ekki auðvelt fyrir þá,“ sagði Jóhann Berg en Burnley tapaði bara tveimur heimalikjum í fyrra.

sem hann spilaði með í tvö ár. Síðasta tímabil var erfitt hjá Charlton, innan vallar sem utan, en liðið endaði á því að falla niður í C-deildina.

Þrátt fyrir slakt gengi Charlton gekk Jóhanni Berg vel. Íslenski landsliðsmaðurinn skoraði sex mörk og gaf 11 stoðsendingar en enginn leikmaður lagði upp fleiri mörk í B-deildinni. Alls skoraði Jóhann Berg 16 mörk og gaf 15 stoðsendingar í 81 deildarleik fyrir Charlton.

Hjá Burnley fær Jóhann Berg væntanlega það hlutverk að mata sóknarmennina öflugum Andre Gray og Sam Vokes sem skoruðu samtals 40 mörk í B-deildinni í fyrra.

Burnley féll úr ensku úrvals-

Endurtekur Leicester hið ómögulega?

Hvernig fylgir maður eftir sennilega óvæntasta titli fótboldsögunnar? Claudio Ranieri og Refirrir hans þurfa að svara þeirri spurningu í vetur.

Leicester kom öllum á óvart á síðasta tímabili, tapaði aðeins þremur af 38 leikjum og endaði á því að vinna sinn fyrsta Englandsmeistararitil. Ranieri og leikmenn Leicester unnu þrekvirki og sýndu mikinn styrk og stöðugleika og héldu alltaf haus á meðan hin liðin í toppbaráttunni misstugu sig. Á endanum munaði 10 stigum á Leicester og liðinu í öðru sæti (Arsenal).

En hvað gerir Leicester í vetur? Fáir búast við því að Refirrir hans Ranieri endurtaki leikinn frá því í fyrra þótt veðbankar hafi meiri trú á þeim. Í fyrra voru líkurnar 5000/1 að Leicester myndi verða Englandsmeistari, í ár eru þær 33/1. Líkurnar á að Leicester falli eru 14/1.

Leicester þurfti ekki að hafa áhyggjur af leikjaálagi í fyrra og Ranieri gat nánast alltaf stillt upp sama liði. Liðið féll snemma út úr báðum bikarkeppnunum og var ekki í Evrópukeppni.

Í vetur tekur Leicester þátt í Meistaradeild Evrópu í fyrsta sinn og þeirri þátttöku fylgja fleiri leikir.

Leicester teflir fram mjög svipuðu liði frá því á síðasta tímabili. Þegar þessi orð eru skrifuð er N'Golo Kanté eini lykilmaðurinn sem hefur horfið á braut. Jamie Vardy ákvað að halda kyrru fyrir hjá Leicester og svo virðist sem Riyad Mahrez verði áfram hjá félaginu.

Nýju mennirnir í leikmannahópi Leicester eru margir hverjir óskrifað blað. Nampalys Mendy, sem

á að taka við hlutverki Kantés, hefur þó staðið sig vel í Frakklandi undanfarin ár og Ranieri þekkir hann vel frá því hann stýrði Monaco. Ahmed Musa er líka öflugur leikmaður og gefur Leicester fleiri möguleika fram á við.

Það er erfitt að átta sig á því á hvaða slóðum í deildinni Leicester verður, en ef það er eitthvað sem síðasta tímabil kenndi okkur, þá er ekki hægt að útiloka neitt.



Ranieri er nýbúinn að skrifa undir nýjan samning við Leicester.

Herra Snjall

Við komum og lögum þín tæknivandamál.

SMART - TENGING

- Við netvæðum snjalltækið þitt
- Við látum snjalltækin tala saman
- Kennum ykkur að nota símann sem fjarstýringu

SJÓNVARP OG MYNDLYKILL

- Netvæðum sjónvarpstækið
- Tengjum við myndlykil
- Tengjum önnur tæki við sjónvarpið
- Kennum ykkur á fjarstýringu
- Stærðin skiptir ekki máli

HEIMABIÓ

- Setjum upp heimabió eftir ykkar þörfum
- Tengjum og felum snúrur
- Finnum bestu staðsetningu sem völi er á
- Kennum þér á tækið

TÖLVUÞJÓNUSTA

- Við bjóðum upp á persónulega, alhliða tölvuþjónustu fyrir einstaklinga á hagstæðum kjörum
- Við sérhæfum okkur í viðgerðum bæði á Apple og PC tölvum
- Uppsetning á hugbúnaði
- Vírushreinsun
- Persónuleg þjónusta sem hentar þér
- Gagnabjörgun
- Uppfærsla
- og margt fl.

APPLE TV

- Tengjum Apple tv
- Setjum upp Netflix
- Búum til aðgang fyrir þig
- Kennum þér að nota tækið
- Þú getur einnig verslað af okkur Apple tv

INTERNET

- Við setjum upp netið fyrir þig
- Tengjum router
- Þösum að netið verði tilbúið til notkunar

GPS

- Setjum upp GPS í bílinn þinn
- Kennum þér á forritið og stillum eftir þörfum

herrasnjall@herrasnjall.is www.herrasnjall.is Sími 7794999



Suðurlandsbraut 32, 108 Reykjavík

KENDA

SHIMANO



ÚTSALA!

- Allt að 70% afsláttur -



CUBE HYBRID



CUBE RACE




CUBE 29"

WWW.TRI.IS

#cube_your_life!



Verslunin er opin:
Alla virka daga kl. 10:00 - 18:00
Laugardaga kl. 10:00 til 16:00



Tekst Leicester hið ómögulega – að verja Englandsmeistarátílinn?

Heimili enska boltans

Það var okkur á 365 miðlum mikið ánægjuefni þegar skrifað var undir nýjan samning sem gerði okkur kleift að sýna áfram frá ensku úrvalsdeildinni næstu þrjú árin. Enska úrvalsdeildin er meðal vinsælasta íþróttafnis heims, ekki síst á Íslandi þar sem enski boltinn hefur skipað stóran sess í íþróttalífi landans, enda afar margir sem hafa brennandi áhuga á öllu því sem viðkemur enska boltanum.

Við munum áfram kappkosta að koma efninu til skila á jafn góðan máta og kostur er hverju sinni, hvort sem er að sýna frá leikjunum eða fjalla um þá í miðlum okkar; í sjónvarpi, útvarpi, á prenti og vef.

Messan verður áfram á sínum stað og Gummi Ben snýr aftur sem stjórnandi hennar eftir að hafa tekið sér frí í eitt tímabili. Hjörvar Hafliðason verður áfram sem sérfræðingur og með þeim verður teymi af öflugum knattspyrnumspekingum sem koma að umfjöllun Stöðvar 2 Sports um enska boltann.

Við munum setja meiri kraft í umfjöllun okkar um valda leiki í deildinni í vetur, stærstu leiki umferðarinnar hverju sinni. Hitað verður upp með sérfræðingum í myndveri fyrir leik sem gera svo leikinn upp að honum loknum. Viljum við með þessu bæta enn frekar umfjöllunina fyrir áskrifendur Stöðvar 2 Sports.

Sem fyrr verður öflug fréttumfjöllun um enska boltann í fréttum okkar á Stöð 2 og Bylgjunni, í Fréttablaðinu, á íþróttavef Vísis og í Akraborginni á X-inu 977, sem og öðrum miðlum. Beinar textalýsingar verða á Vísi þar sem hægt verður að sjá öll helstu atvik úr öllum leikjum hverrar umferðar.

Að loknu frábæru fótboldasumri þar sem íslenska landsliðið sló í gegn á EM í Frakklandi tekur nú við nýtt keppnistímabili í ensku úrvalsdeildinni þar sem tveir fulltrúar strákanna okkar, Gylfi Þór Sigurðsson í Swansea og Jóhann Berg Guðmundsson í Burnley, verða í eldlinunni. Við vonum að fleiri íslenskir knattspyrnumenn bætist við þann hóp þegar fram líða stundir, en þess er vert að geta að Stöð 2 Sport sýnir leiki úr ensku B-deildinni, þar sem nokkrir Íslendingar spila nú.

Við óskum öllum áhugamönnum um enska boltann til hamingju með daginn. Verið velkomin á heimili enska boltans.

Eiríkur Stefán Ásgeirsson
aðstoðar-
ritstjóri íþróttar-
eirikur@365.is



FLEIRI FÖSTUDAGSLEIKIR

Stærsta breytingin á leikjaniður-röðun ensku úrvalsdeildarinnar er að föstudagsleikjum fjölgar til mikilla muna.

Að minnsta kosti 15 leikir í ensku úrvalsdeildinni á komandi leiktíð fara fram á föstudögum sem er stóruátt frá því á síðasta tímabili. Þá var aðeins einn leikur á föstudegi, leikur Aston Villa og Manchester United í 2. umferð deildarinnar.

United verður einnig í eldlinunni í fyrsta föstudagsleiknum á

þessu tímabili. Næsta föstudag tekur United á móti Southampton í fyrsta deildarleik liðsins undir stjórn José Mourinho.

Næsti föstudagsleikur er á dagskrá 16. september en þá mætast Chelsea og Liverpool á Brúnni. Sannkallaður stórleikur þar á ferð.

Ekki er búið að raða niður fleiri föstudagsleikjum en þeir verða a.m.k. 15 eins og áður sagði.

Áfram verður leikið á laugardögum, sunnudögum og mánudögum, auk leikja í miðri viku.



COMPUTER.IS

Við erum sérfræðingar í tölvum

SkólaTILBOÐ

Lenovo Ideapad 100 - 15,6"

15,6" HD, 500GB diskur, Intel Dual Core, 4GB minni, 5 klst rafhlaða, DVD drif
Frábær tölva fyrir skólafólk á öllum aldri

TILBOÐ: 49.900 (Áður: 59.900)



Gott verð!

Lenovo YOGA 700

14" FHD, 256GB SSD diskur, Intel i5 8GB minni, 8 klst rafhlaða, 1,6kg

Tilboð: 144.900 (Áður: 149.900)



Asus ZenBook M3

13,3" FHD, 128GB SSD diskur, Intel M3 8GB minni, 10 klst rafhlaða, 1,2kg

Verð: 149.900



Asus EeeBook


11,6" HD, 500GB diskur, Intel N3050 4GB minni, 8 klst rafhlaða, 1,2kg
Físlétt og meðfærlig tölva

Verð: 59.900



4TB vasaflokkari

TILBOÐ: 25.900 (Áður: 29.990)



Þráðlaus mús

TILBOÐ: 1.990 (Áður: 2.990)



Lenovo Y700 i5

15,6" FHD, 128GB SSD og 1TB HDD, Intel i5-6300HQ, 8GB DDR4 4 klst rafhlaða, nVidia GTX960 m/4GB

Verð: 179.900

Góð í leikina!



Lenovo Ideapad 300 - 15,6"

15,6" HD, 1TB diskur
Intel i7-6500U, 8GB minni
4 klst rafhlaða, DVD skrifari
AMD M330 skjákort m/2GB

Tilboð: 109.900 (Áður: 124.900)



Asus 21,5" FullHD skjár



TILBOÐ: 18.300 (Áður: 19.990)

Asus T100HA

10" skjár, 64GB SSD, Intel Quad Core 4GB minni, 12 klst rafhlaða 1kg

Verð: 64.900



Lenovo Z51-70 i7

15,6" FHD, 1TB SSHD
Intel i7, 8GB minni,
4 klst rafhlaða
R9-M375 m/4GB

Verð: 149.900



Asus ZenBook i5

13,3" FHD, 256GB SSD, Intel i5, 8GB minni, 12 klst rafhlaða, 1,3kg

Verð: 179.900

